



## UGOVOR

### o nabavci usluga provođenja ljekarskog pregleda za uposlenike raspoređene na poslove sa posebnim uslovima

Ugovorne strane:

KJKP "Sarajevogas" d.o.o., Sarajevo  
Ul.Trg Fadile Odžaković Žute br. 4, 71000 Sarajevo  
Koga zastupa: Direktor Preduzeća, mr.sc. Nihada Glamoč, dipl.ing.maš.  
(u daljem tekstu: Kupac)

i

Zavod za zdravstvenu zaštitu radnika u saobraćaju Sarajevo  
Ul. Kolodvorska br. 10, 71000 Sarajevo  
Koga zastupa: Prim. dr. Mirsad Mulaomerović  
(u daljem tekstu: Prodavac)

#### Član 1.

Predmet ovog ugovora je nabavka usluge provođenja ljekarskog pregleda za uposlenike raspoređene na poslove sa posebnim uslovima prema postupku direktnog sporazuma broj DS-05-141/18 (CPV kod:85121000-3). Sadržaj i vrijednost usluge iz stava 1. ovog člana je definisan ponudom prodavca (Ponuda br. 2010-1/18.god. od 17.10.2018.god.) priložena uz ovaj ugovor i predstavlja njegov sastavni dio.

#### Član 2.

Ugovorna vrijednost usluge iz člana 1. ovog ugovora bez PDV-a iznosi: **5.940,00 KM** (slovima: **pethiljadadevetstotinačetredesetKM**).

#### Član 3.

Prodavac će uslugu iz člana 1. izvršiti prema Ponudi prodavca broj 2010-1/18.god. od 17.10.2018.god. nakon zaključenja ovog ugovora.

#### Član 4.

Prodavac će obračun izvršenih usluga vršiti po jediničnim cijenama iz priloga ovog ugovora. Kupac će plaćanje izvršiti u roku do 30 dana nakon prijema uredno ispostavljene fakture na transakcijski račun Prodavca naznačen na fakturi.

#### Član 5.

Ovaj ugovor se zaključuje na period do realizacije izvršenih usluga iz člana 1. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

#### Član 6.



Na sve odnose i institute koji nisu navedeni u ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

**Član 7.**

Ovaj Ugovor stupa na snagu danom potpisivanja od strane obje ugovorene strane, a sačinjen je u 5 (pet) istovjetnih primjeraka, od kojih Kupcu pripadaju 3 (tri) primjerka a Prodavcu 2 (dva) primjerka.

**Član 8.**

Sve nesporazume do kojih dođe u realizaciji ovog Ugovora, ugovorne strane će rješavati dogovorom ili putem arbitražne komisije. Ukoliko se nastali spor ne može riješiti prema navedenom, spor će rješavati nadležni sud u Sarajevu.



**Za Prodavca:**

Direktor

*Mirsad Mulaomerović*  
\_\_\_\_\_  
Mr. Mirsad Mulaomerović

Broj ugovora, 2010-2/18  
30. 10. 2018.

**Za Kupca:**

Direktor Preduzeća

*Nihada Glamoč*  
\_\_\_\_\_  
Mr.sc. Nihada Glamoč, dipl.ing.mas

Izvršni direktor

*Mehmed Mehović*  
\_\_\_\_\_  
Mr. Mehmed Mehović, dipl.oec.

Broj ugovora, 236/18  
29-10-2018

